



چونکه قرآن نظر نده ( فوق القانون ) اولی اسکی زمانلرک قرالره و برنسلره برستش عادتک آتارندن باشقه برشی دکادر .

مسلمانلقد ( توحید ) قاءه - نك تقریبه ملوک وامرانك حقوقي یقلمش ، کندیلرینه عوامك پایه سندن یوکسك طایفه لری دعواهی خرد و خاش اولمش و اوزماندن اعتباراً انسانلر حاکم لردن حساب صورمه نك ، اولردن استقامت اوزره حرکت ایتیه ایستمه نك حقوق بشریه دن اولدیغنی آ کلامشدر . قرآن کریم ، بوندن باشقه نیجه آیتلرنده انسانلردن بر جماعتک سیاست واداری مراقبه ایتیه سنی ، امر بالمعروف ونهی عن المنکر وظیفه سنی ایفا ایله سنی تکلیف ایله مشدر . « ولتکن منکم امة یدعون الی الخیر و یأمرون بالمعروف و ینهون عن المنکر » ایچکزده خیره دعوت ایدن ، معروفی امر ایدن ، منکری نهی ایدن برجماعت بولونشون ، قرآن کریم بوکی آیات کریمه ایله حریت کلامی ، حریت انتقادی تقریر ایتش ، رجال سیاست و رجال اداره یی ، حق عامه ناسی حسابه چکه چک بر جماعت بولونماسنی امر ایتمشدر . ۱۱

## مسلمانلغک روح سیاسی

۲

محرری : سید امیر علی

دین اسلامک سحیه سیاسییه رسالتناه افندمن حضرتلری طرفندن ، ( مدینه منوره ) یه مواصلت بیوردقلری زمان موسویلره اعلان اولونان برات ایله مسلمانلغک جزیره العربده تماماً تأسسنی متعاقب ( نجران ) خریستیانلریله مجاور اولمکله کوندر دکازی تبلیغات مهمه دن مستبان اولمقدردر . بوصول وثیقه بوتون اسلام حکمدارلرینک خریستیان تبعه لرینه قارشى تعقیب ایتدکلی سیاستک بره نسپیلرینی محتویدر . حکومت اسلامیه میاننده هر هانکی سیه مبنی بو دستایردن آریلان بولونشسه بونک سینی یا او حکومتک ، یاخود حکمدارینک سحیه سنده آرامق لازمدر . بناء علیه اکثریا دین نامه سوز سوبیلین و حرکت ایدن ضرورت سیاسییه بر طرف ایدمک اولورسه ق دنیاده هیچ بر دینک سائر ادیان سالك اولانلره قارشى مسلمانلق قدر انصاف ایله معامله ایتهدیکی توضیح ایدر . آره صیره حکمت حکومت شو ویا بو حکمداری بر آز انصافمزاق یاغنه ، یاخود مملکتنده وحدت دین اوزرنده اصرار ایتمه سق ایتش اولابیلیر . فقط بالذات بونظام اساسی مکمل انصافی محافظه ایتمشدر .

خریستیانلره موسویلر ، بر قاعده اولارق ، آیین دینلرینی اجرا خصوصنده هیچ بر تضییقه دوچار اولماش ، و دینلرینی تبدیه اجبار [۱] بومقاله ، برلنده انتشار ایدن آلمانجه « عالم اسلام » مجموعه سندن اقتباس اولونمشدر .

ایدلما مشلردر . کندیلردن خصوصی بر ویرکو اعطاسی طلب اولوندیسه ، بو طلب خدمت عسکرینه دن عفو لرینه مقابل ایدی که دولتک حمایه سندن استفاده ایدنلرک عامه نك تحمل ایتدیک یوکاری تخفیفه اشتراك ایتمه لری بر وجیه حقدردر . بت برستلره قارشى ده ا فضل شدت استعمال اولوندیغنی کوزه چار پار سده بوصرف نظری ساحه یه منحصر اولوب عمومی ساحه ده قانون عموم ایچون عینی درجه سربستی یی بخش ایدیوردی . هر هانکی زمانده بونلره قارشى شدت استعمال اولونمش ایسه بونک سینی یا حکمدارک ، یاخود خلغک احتراضانده آرامق اقتضا ایدر . غیر مسلملرک اسلام مملکتلرنده الیم شرائط داخلنده یاسادقلرینه دائر در میان اولونان کهنه نظریاتی تأیید ایچون فقهای متأخرینک محدود نقاط نظرندن باشقه قرآن حکیمکده بعض آیات کریمه سنه اشارت اولونارق علیه الصلاة والسلام قدمزک غیر مسلملره مساعد بر نظرله باقما دقلری و مسلمانلره غیر مسلملر آره سنده دوستانه مناسباتی ترویج بیورما دقلری کوسترمک ایستیه یلیر . مسئله یی موضوع بحث ایدرکن مقام استشهاده ایراد اولونان آیات بیناتک زمان اعلاننده اسلامک کیریشدیک حیات و محام مجادله سیله بومجادله نك ایجاباتی بت برستلر ، خریستیانلر و موسویلر طرفندن مسلمانلری مسلمانلقدن چویرمک ، تردی به اوغرائمق ایچون قولالایلان خانانه وساطتی و مجرمانه تشبیهاتی کوز اوکنه کتیر ملیدر . اوله بر زمانده علیه الصلوات والسلام افندمنک آرقداش لرینی عقائد مخصوصه ایمانک قوردینی فحیح و منافقانه سوء قصدلردن تحذیر ایتیه سنی لازمدی . مقایسه لی تاریخ متتبعلردن هیچ بری علیه الصلوات والسلام افندمنی کوچوک برجماعت تشکیل ایدن مسلمانلرک دشمن خیانتدن تحفظی تأمین ایتمه سندن طولای موجب عتاب کورده من . فقط پیغمبرمزک غیر مسلم تبعه یه معامله سنی تدقیق ایتدیکمز زمان بومعامله نك بک سمیح برانصاف و توجه ایله ممتاز اولدیغنی کورورز .

عجبا هانکی عنصر فاتح ، یاخود هانکی دین غالب تحت تابعیتنده اولان ملترلره پیغمبرمزک بوتأمینساتدن ده ا مکملتی اعطا ایتمشدر ؟ پیغمبرمن بیوریورکه :

« نجران خریستیانلریله مجاور اولمکله الهک سلامیله پیغمبرینک عهدی جانلرینه ، دینلرینه و ماللرینه شاملدر . حاضر لرله غایبلر و سائر نك ، آیین دینلرینی اجرا ایتمه لری خصوصنده هیچ بر مداخله وقوع بولما یه جنی کی حقوق واستفاده لده هیچ بر تبدل وقوع بولما یه جن ، هیچ بر بسقبوس بسقبوسلغندن آریلیه جن ، هیچ بر راهب مناسترندن قالدیرلیه جن ، اولجه حائز اولدقلری هر استفاده دن کماکان استفاده یه دوام ایدمکک ، هیچ بر هیکل ، ویا بر صلیب تخریب اولونمیه جن ، هیچ بر تضییق وقوع بولما یه حقدردر ، جاهلیت کونلرنده اولدینی قان دعوالری کودولیه حک و اولمکله لری اردولر طرفندن قرارگاه اتخاذ اولونمیه حقدردر . »